

AKASHVANI AIZAWL

REGIONAL NEWS UNIT



VANDE MATARAM

India National Song ‘Vande Mataram’ chuan vawiin hian kum 150 a tling a, hemi pual hian ramchhunga pisa hrang hrangah urhsun taka hun hman a ni.

Prime Minister Narendra Modi chuan vawiin khan National Song ‘Vande Mataram’ kum 150 tlin lawmna hun hi New Delhi ah a hmanpui a, ramchhung hmun hrang hrang atangin hemi pual hian hun hman a ni bawk.

Prime Minister chuan Indira Gandhi Indoor stadium-a hun a hmanpui na ah Vande Matarma chu ram mipuite chakna leh nun khalh ngiltu a ni a ti a, mipuite hmathlir siamtu leh hmasawnna hrang hrang pe tu ani a ti a, hla chuan mi tin thinslung a khawih tih sawiin hun hmasa lama hun tam tak a hriat chhuah tir tih sawiin hemi hmang hian chakna nei theuh turin ram mipuite a sawm a ni.

‘Vande Mataram’ kum 150 tlin pual hian Akashani Aizawl pawhin Director leh Mizoram Cluster Head Pu DR Lalropuia hovin an pisa ah he hla hi an zawm ve a, Akashvani staff hrang hrang ten ‘Vande Mataram’ hla an sa rual a ni.

SFX : Akashvani Aizawl

Vawiin vek khan IIMC Aizawl pawhin Vande Mataram pualin hun an hmang a, zirtirtu leh zirlai naupangten National Song hi a rualin an sa a ni.

(Desk)



MNF LEGAL BOARD PRESS CONF

ZPM sorkarin Assam Rifles Biakin hmun dik lo taka chhuh luihsak tumin kawng hrang hrangin a bei mek tih vawiin khan MNF Legal Board Chairman Pu Lalpianfela Chawngthu chuan a sawi.

Aizawl Press Club-a Press Conference ah he thu hi sawiin, Mizoram Presbyterian kohhran, Mizoram Synod in kum tam tak chung a lo enkawl tawh leh kum 38 kalta, kum 1987 a-an kuta hlan tura sorkarin thutluknaa lo siam fel vek tawh Assam Rifles Biak in hmun chu chhuhsak an tum a ti a. Pu Lalpianfela chuan May mi 5-a Chief Minister Pu Lalduhoma hova thukhawm chuan Aizawl khawpui chhunga Assam Rifles chhuahsan ram enkawl zui dan tur ngaihtuah kawnga thuneitu sang 'Advisory Committee on Assam Rifles Land Handed over to the Government of Mizoram' chuan Assam Rifles Kohhran Biak In hmun chu sorkar kuta a luh theih nan Synod dawrtu tur inruatin Convener ah Revenue Minister Pu B Lalchanzova an ruat niin a sawi a, Biakin hmun Land Lease sorkara hlan tura ZPM sorkar ngenna chu Synod Officers Meeting chuan ngaihtuahin Synod Executive Committeeah a thlen a, Synod Executive Committee thukhawmah Assam Rifles Kohhran Biakin hmun chu kum 1950 hma lama Mizoram Bawrhsap-in Assam Rifles-a Mizo awmte inkhawmna tura a lo pek tawh a nih thu te, he Biak In hmun hi Assam Rifles ram ni loin, ram awl, Biak In hmun atana pek liau liau a nih thute sawi lan a ni a ti a, Biakin hmun pek an nih dan zawng zawng ngaihtuuahin, sokara hlan chu a remchang loah Mizoram Synod chuan a ngai tih a sawi.

Pu Lalpianfela chuan ZPM sorkar hmalakna chu MNF chuan demawm a tih thu sawiin Mizoram Synod hnena lekha dengkhawng tak a lo pek tawh pawh Assam Rifles Biak In November ni 22 leh ni 23-a Platinum Jubilee lawm an tum ve hma ngeia hnukkir leh vek turin ZPM sorkar an phut tih an sawi a ni.



NORTH KHAWBUNG CENTENARY

Chief Minister Pu Lalduhoma’n vawiin khan North Khawbung kum 100 tlin lawmna hun a hmanpui.

North Khawbung khua hian vawiin khan ‘Inpumkhatna’ tih thupui hmangin Centenary an lawm a, Khuallian atan Chief Minister Pu Lalduhoma niin Champhai North MLA Pu H. Ginzalala chu khualzahawm a ni.

Pu Lalduhoma hian vawiin khan Centenary puala lungphun a hawng nghal a, North Khawbung Centenary hi November ni 5 khan lawm tan niin vawiin thleng a awh dawn a ni.



DAMPA BY-ELECTION

Vawiin khan Dampa bial By-Election hmachhawn tura Polling Parties-te tan training thawhnhihna neih a ni.

Vawiin training-ah hian inthlanna thil tul hrang hrang zir a ni a, District Master trainers hrang hrang te'n zirtirna pe in Training hi Govt Mamit High School leh Govt Mamit Higher Secondary School-ah neih a ni.

(DIPR)



PTC RECRUITMENT

Akashvani (All India Radio) Aizawl Regional News Unit chuan District hrang hranga thawk tur Part Time Correspondent (PTC) a la dawn a, November ni 14 thleng dil theih a ni.

Akashvani Aizawl Regional News Unit chuan PTC tur hi Aizawl, Hnahtial, Vairengte, Champhai North leh Chawngte ah te a la dawn a, kum 24 atanga kum 50 inkar Graduate tan dilna thehluh theih a ni.

PTC dilna form hi News Section, Akashvani Aizawl pisa Tuikhuahtlangah lak theih ani dawn a, AIR News Aizawl Facebook page ah download theihin a awm bawk ang.

(Desk)



INDIA HOCKEY

India hockey in kum 100 a tlin lawmna chu vawiin hian rampum huapin a lawmna hun hman a ni.

India Hockey in kum - 100 a tlin lawmna pual hian kum 100 chhunga player te sulhnu hrang hrangte leh chawimawina a dawn te hmanga siam video te tlangzarh niin, photo exhibition neih a ni bawk.

Vawiin ni pual hian ramchhung district hrang hrang 550 ah hockey match 1400 chuang khelh a ni.

